

FAQ (Cov Nqe Lus Teb Rau Cov Nqe Lus Nquag Nug)

Txoj Cai Yuam Kub Ceev #3, Kev Txwv Txiaiv Pej Xeem Cov Kev Sib Sau Ua Ke

Thaum Kaum Hli Ntuj Hnub tim 6, 2020, Wisconsin Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) (DHS) tus neeg txib los Lis Ntaub Ntawv Andrea Palm tau plov meej Txoj Cai Yuam Kub Ceev (Emergency Order) #3, uas yog ("txoj cai yuam") Kev Txwv Txiaiv Pej Xeem Cov Kev Sib Sau Ua Ke, uas txo txoj kev sib kis tus kab mob COVID-19 kom qeeb, pib txij li lub Kaum Hli Ntuj Hnub tim 8, 2020 thaum 8:00 teev sawv ntxov.

Vim li cas thiaj li txwv txiaiv pej xeem cov kev sib sau ua ke?

Thaum lub Cuaj Hli Ntuj thiaib Kaum Hli Ntuj, Wisconsin tau rais los ua lub xeev kis muaj tus kab mob kis thoob ntiaj teb COVID-19 kub heev tshaj plaws hauv lub teb chaws. Thaum lub lim tiam ntawm Cuaj Hli Ntuj Hnub tim 27-Kaum Hli Ntuj Hnub tim 3, Wisconsin tau muaj cov neeg kis kab mob tshiab coob thib peb thiaib muaj cov neeg kis kab mob tshiab coob thib peb hauv lub teb chaws. Txoj kev sib kis kab mob no kis ceev heev mus raug txhua qib hnub nyoog thiaib txhua ntu hauv lub xeev, tshwj xeeb yog cheeb tsam Fox Valley thiaib Qaum Xeev Sab Hnub Tuaj hauv Wisconsin. Txhua ntu hauv lub xeev tam sim no kis muaj cov qib kab mob coob los sis coob heev, uas kis mus rau txhua txhia lub zej zog. Pej xeem cov kev sib sau ua ke, txawm yog ib lub koom txoos kiag xwb los yeej ua rau sib kis tus kab mob COVID-19 ceev kawg kiag. Qee cov tuam tsev kho mob hauv Wisconsin yeej ntxhov siab rau txoj kev tu xyuas tsis tau txhua cov neeg mob – vim yog tsis muaj cov txaj thiaib cov neeg ua hauj lwm txaus – thiaib peb yuav tsum tau ua txhua yam li ua tau kom txo txoj kev sib kis tus kab mob qeeb kom peb cov neeg kho mob caum pab cuag.

Txoj cai yuam no txwv txiaiv dab tsi?

Txoj cai yuam no yuav tsis muab tej chaw khaw mus li los sis kaw tseg. Nws tsuas yog tiv thaiv cov xwm txheej uas muaj neeg coob tuaj ua ke hauv ib lub chaw rau tib lub sij hawm xwb. Txoj cai yuam yuav txwv txiaiv tsis kheev cov neeg coob tuaj mus sib sau ua ke rau hauv ib lub chaw uas pej xeem nkag tau rau (tshwj tsis yog muaj kev zam feem xyuam).

Txoj cai yuam yuav txwv txiaiv pej xeem cov kev sib sau ua ke muaj coob tshaj 25% ntawm lub chav tsev ntim tau neeg, raws li txiaiv txim los ntawm lub nroog. Piv txwv, yog tias lub nroog teeb tias ib chav tsev ntim tau neeg txog 100 tus, tsuas kheev muaj 25 tus neeg nyob rau hauv chav tsev ntawd.

Qhov chaw qib rau pej xeem yog qhov chaw uas neeg pej xeem nkag tau rau, xws li cov khw, cov khw ua noj, cov khw haus dej haus cawv, los sis cov koom txoos muaj pib muag rau neeg yuav nkag.

Txoj cai yuam yuav kav mus ntev li cas?

Txoj cai yuam yuav pib ua hauj lwm thaum 8:00 teev sawv ntxov thaum lub Kaum Hli Ntuj Hnub tim 8. Txoj cai yuam yuav kav mus thawm ob lub sij hawm tswj tus kab mob COVID-19 (2 lub lim tiam rau ib lub sij hawm twg), uas xaus rau thaum lub Kaum Ib Hli Ntuj Hnub tim 6, 2020.

Txoj cai yuam puas muaj feem xyuam rau cov chaw los sis koom txoos sab nraum zoov?

Tsis muaj, txoj cai yuam tsuas muaj feem xyuam rau cov chaw sab hauv tsev xwb. Txoj cai yam tsis muaj feem xyuam rau cov chaw sab nraum zoov, xws li cov tsev nkaum nag hauv cov tiaj ua si tawm rooj, cov chaw rau khoom noj khoom haus tawm rooj, los sis cov tiaj ua si.

Txoj cai yuam puas muaj feem xyuam rau cov lag luam?

Rau cov lag luam, txoj cai yuam tsuas muaj feem xyuam rau cov chaw sab hauv tsev uas pej xeem nkag tau rau, xws li cov khw, cov khw ua noj, cov khw haus dej haus cawv, los sis cov chaw chaw zaum tos. Cov koom txoos muaj npe ua tswv cuab los sis rau npe koom, xws li cov tsev mus qoj ib ce (gyms) los sis cov chaw kawm qoj ib ce, yuav qhib rau pej xeem thiab kav raws txoj cai yuam no.

Txoj cai yuam tsis muaj feem xyuam rau cov lag luam cov chaw sab nraum zoov, xws li cov lawj los sis cov chaw rau khoom noj khoom haus tawm rooj. Txoj cai yuam puav leej tsis muaj feem xyuam rau cov lag cov chaw sab hauv tsev yog tias tsis qhib rau pej xeem mus tau. Piv txwv, feem ntau cov chaw tsim ua khoom, cov tsev tum cia khoom, cov chaw khaws cia khoom, cov chaw khiav hau lwm, thiab lwm cov chaw ua lag luam uas pej xeem nkag tsis tau rau vim yog cov neeg ua hauj lwm los sis cov neeg caw thiaj nkag tau rau xwb.

Cov koom txoos muaj pib muag rau neeg muas nkag mus rau sab hauv tsev ne?

Txoj cai yuam muaj feem xyuam rau cov koom txoos muaj pib muag rau cov neeg pej xeem los sis tswv cuab ntawm ib pab neeg uas muas tau. Piv txwv, txhua tus uas muas daim pib mus saib movie (muv vim), uas txoj cai yuam muaj feem xyuam rau cov tsev mus zaum saib muv vim. Zoo sib xws li no, qhov koom txoos muaj pib muag rau neeg muas nkag uas tshwj xeeb kiag rau cov kws lij choj yuav tsum tau ua raws txoj cai yuam no yog tias yeej qhib rau tag nrho cov kws lij choj.

Txoj cai yuam puas muaj feem xyuam rau cov tshoob kos?

Nyob ntawm lub tshoob kos thiab kev noj tshoob.

Txoj cai yuam **muaj feem xyuam** rau sab hauv tsev, cov tshoob kos tsis muaj dab qhuas los sis cov kev noj tshoob uas qhib rau neeg pej xeeb.

Txoj cai yuam **tsis** muaj feem xyuam rau:

- Cov tshoob kos los sis kev noj tshoob ntawm lub tsev neeg.
- Cov tshoob kos muaj dab qhuas.
- Cov tshoob kos los sis kev noj tshoob rau sab nraum zoov.

Tiam sis, nco ntsoov, cov tshoob kos loj tsis tau yog ib lub tswv yim zoo tam sim no. Muaj ntau cov tshoob kos uas yog cov koom txoos “sib kis kab mob zoo heev”, uas ntau cov tib neeg muaj mob thiab tuag taus los ntawm tus kab mob COVID-19 vim yog txoj kev mus koom lub tshoob kos.

Txoj cai yuam puas muaj feem xyuam rau cov ntees tuag?

Nws nyob ntawm lub ntees tuag.

Txoj cai yuam **muaj feem xyuam** rau sab hauv tsev, cov ntees tuag uas qhib rau neeg pej xeeb tuaj sib sau ua ke.

Txoj cai yuam **tsis** muaj feem xyuam rau:

- Cov ntees tuag ntawm lub tsev neeg.
- Cov ntees tuag los sis kev ua dab qhuas.
- Cov ntees tuag los sis kev ua dab qhuas sab nraum zoov.

Txoj cai yuam puas muaj feem xyuam rau neeg pej xeeb cov tsev nyob los sis cov tsev nyob.

Pej xeeb cov tsev nyob tau kev zam ntawm cov kev txwv txiav pej xeeb cov kev sib sau ua ke, tshwj tsis yog muaj lub koom txoos nyob rau hauv lub tsev nyob uas qhib rau pej xeeb nkag mus koom. Yog tias muaj ib lub koom txoos nyob rau hauv lub tsev nyob uas qhib rau pej xeeb nkag mus koom, yuav tau txwv txiav lub koom txoos kom tsis pub muaj coob tshaj 10 tus neeg uas tsis nyob rau hauv lub tsev.

Txoj cai yuam puas muaj feem xyuam rau tag nrho lub xeev?

Muaj, vim tus kab mob COVID-19 yeej kis thoob plaws lub xeev, txoj cai yuam thiaj li muaj feem xyuam rau txhua ntu hauv Wisconsin.

Cov chaw sab hauv tsev uas txoj cai yuam no zam rau yog dab tsi?

- **Cov tsev kawm ntawv.** Tag nrho cov tsev kawm ntawv muaj txoj kev zam. Txoj kev zam no yog rau tej kev kawm uas tshwm sim nyob sab hauv lub tsev kawm ntawv. Tiam sis, tsev kawm ntawv cov koom txoos uas muaj nyob rau lwm cov tsev uas tsis yog cov tsev kawm ntawv tug yuav raug

kav raws txoj cai yuam no. Piv txwv, yuav zam qhov koom txoos ntaus pob ncaws pob hauv lub tsev kawm ntawv chav qoj ib ce (gym), tiam sis tsev kawm ntawv qhov koom txoos mus seev cev hauv ib lub tsev to qhua yuav tsis muaj kev zam thiab tsuas kheev muaj neeg txaus li lub chaw ntim tau hauv txoj cai yuam.

Xav txhawb kom cov cheeb tsam tsev kawm ntawv ua raws [Education Forward \(Kawm Ntawv Mus Tas Zog\)](#), lub Department of Public Instruction (Tuam Tsev Tswj Xyuas Kev Qhia Ntawv Rau Pej Xeem) cov lus cob qhia txog kev ceev kom lawv cov tsev kawm ntawv nyab xeeb thaum lub caij muaj tus kab mob kis thoob ntiaj teb COVID-19.

- **Kev kawm ntawv qib siab.** Tag nrho cov tsev kawm ntawv qib siab thiab university cov vaj tse muaj kev zam. Xav txhawb kom cov tsev kawm ntawv no ua hauj lwm nrog cov kws ceev kev noj qab haus huv hauv zos thiab ua raws lub Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) kom paub tseeb tias lawv cov kev lis hauj lwm yeej nyab xeeb.
- **Kev zov me nyuam.** Tag nrho cov chaw zov me nyuam, tom qab kawm ntawv, ua ntej kawm ntawv, thiab cov kev pab txhawb rau txoj kev kawm hauv tshuab hluav taws xob yeej muaj kev zam. Ntxiv mus, cov tsev pab me nyuam txoj kev noj qab nyob zoo xws li cov niam qhuav txiv qhuav cov tsev thiab cov tsev rau tej pab pawg neeg nyob yeej muaj kev zam.
- **Cov kev kho mob thiab tu xyuas pej xeem huab hwm kev noj qab haus huv.** Cov kev zam no xam muaj cov tuam tsev kho mob, cov chaw kho mob, cov chaw tsim ua khoom kho mob, thiab chaw kho tsiaj. Xav paub cov chaw tau kev zam rau fab no, thov mus xyuas [Txoj Cai Yuam Kub Ceev \(Emergency Order\) #3, Ntu 2.c.vi.](#)
- **Cov kev pab pej xeem huab hwm.** Cov no muaj xws li cov tsev tu xyuas mus ntev, cov tsev nkaum, thiab cov chaw pub khoom noj khoom haus. Xav paub cov chaw tau kev zam rau fab no, thov mus xyuas [Txoj Cai Yuam Kub Ceev \(Emergency Order\) #3, Ntu 2.c.vi.](#)
- **Cov kev khiav hauj lwm pab pej xeem huab hwm.** Xws li cov chaw npaj thiab tsim ua khoom noj khoom haus, cov tshav dav hlau, cov chaw kho vaj tse, thiab tsheb thauj neeg pej xeem. Xav paub cov chaw tau kev zam rau fab no, thov mus xyuas [Txoj Cai Yuam Kub Ceev \(Emergency Order\) #3, Ntu 2.c.vi.](#)
- **Nom tswv.** Lub xeev thiab nom tswv hauv xeev cov kev khiav hauj lwm thiab cov tsev ua hauj lwm rau kev zam. Xws li cov chaw xaiv tsa nom tswv, Department of Corrections (Tuam Tsev Tswj Cov Neeg Txhaum Cai)

cov tsev, thiab cov tsev pab tua hluav taws thiab ceev xwm. Cov chaw rau lub xeev fab nom tswv legislature los sis lub xeev cov tsev hais plaub puav leej muaj kev zam, nrog rau cov tsev hais plaub rau pej xeem thiab cov chaw khiav dej num rau fab nom tswv legislative. Tsoom fwv teb chaws cov vaj tse puav leej muaj kev zam.

- **First Amendment (Thawj Txoj Cai Hloov Kho) kev tawm suab.** Cov koom txoos tawm suab kev ua nom tswv, cov kev nthuav tawm suab, thiab lwm cov kev tawm suab uas tiv thaiv los ntawm txoj cai First Amendment (Thawj Txoj Cai Hloov Kho) muaj kev zam ntawm txoj cai yuam.
- **Cov tsev teev ntuj.** Cov tsev teev ntuj thiab cov chaw hawm ntuj muaj kev zam ntawm txoj cai yuam.

Kom tau cov muaj kev zam, thov xyuas [Emergency Order \(Txoj Cai Yuam Kub Ceev\) #3](#).

Txoj cai yuam no puas muaj feem xyuam rau Tribal Nations (Cov Pab Pawg Neeg Qhab)?

Tsis muaj, tam cov No, tam nom tswv cov chaw, txoj cai yuam tsis muaj fem xyuam rau Tribal Nations (Cov Pab Pawg Neeg Qhab). Ntxiv mus, muaj tau cov Tribal Nations (Cov Pab Pawg Neeg Qhab) twb yeej muaj cov cai yuam kom tiv thaiv tau txoj kev kis tus kab mob COVID-19.

Txoj cai yuam no kav tag nrho cov cai yuam hauv zos?

Tej zaum cov nom tswv hauv xeev yuav muaj cov cai yuam uas nruj tib yam los sis nruj dua txoj cai yuam no. Lub xeev txoj cai yuam tsuas kav tau tej ntu ntawm txoj cai yuam hauv zos uas tsis nruj dua lub xeev txoj cai yuam xwb. Piv txwv, yog tias lub zos txoj cai yuam kheev muaj txog 50% ntawm cov neeg ntim tau hauv ib qho chaw sab hauv tsev uas qhib rau pej xeem, lub xeev txoj cai yuam yuav kav nws vim lub xeev txoj cai yuam txwv txiav tsuas kheev muaj txog 25% ntawm cov neeg ntim tau hauv qhov chaw sab hauv tsev uas qhib rau pej xeem.

Yuav tswj txoj cai yuam li cas?

Cov kws ceev zos yuav muab tau txoj kev nplua pej xeem raws li Ntu 252.25 hauv Wisconsin Cov Cai.